

Hawj Di Ndit Couh Rox Did Nyez

□ Vangz Ging / 黄靓

Byawz mbouj gyaез vунz haenh, byawz cix muengh vунz ndaq? Mbouj miz saek boux muengh. Moix boux vунz cungj maqmuengh ndaej daengz bouxwnq haengjdingh caeuq danqhaenh. Danqhaenh lumj ndit, hawj vунz raeujrub, hawj vунz ronghsag, hawj vунz simva hailangh. Hawj di ndit couh rox did nyez, ronghsag daengx goqdangz, ronghsag daengz lwgnyez.

Gou dwg ndaw hagdangz cungjvu cujyin, guenj gij hong fuzbinz, caiq hwnj haj nienzgaep Yinghyij, saeh maet saeh ma lai lumj ndaundeiq. Gou ciengz gyaban cingjleix caizliuh, gig noix miz seizgan dinghsim roengzdaeuj ngeix baenzlawz son ndei baenzlawz hawj hagseng gyaез hag. Gwnz dangz, lauxsae caeuq hagseng mbwqmbangmbang, caenh-guenj gou gangj dwk bakbongz, caengz dwk dadek, swenj dwk sing gya bae, lijdwg mbouj miz yungh.

Ciuq saed gangj 50 boux hagseng suenq maz lai, son'gyauq youh miz maz nanz? Hoeng, gyoengq hagseng cix mbouj lumj raeuz yienghhaenx siengj, bouxboux baklai bebbeb fajfwngz yaekyaek yonq- yonq. Gwnz dangz, gou gangj gawq vah ceiq lai couhdwg: "Cingj andingh!" Hoeng, mboujguenj gou baenzlawz hemq, gyoengq doengzhag lijdwg cauzyebyeb, haujlai nanz cij menhmenh andingh roengzdaeuj.

Moix dangz goq caenh miz 35 faencung, gou cix yaek yungh ca mbouj geijlai 5 faencung daeuj daezsingj hagseng andingh nyinhcaen dingq gou hwnjdangz. Moix cou cij miz 3 dangz goq Yinghyij, mwhlawz cij ndaej son liux? Siengj daengz neix, gou gyanghwnz ninz da mbouj laep, saeh maet saeh ma doxgyaux, mbouj daengz 40 bi, gou cix byoem hausaksak lo.

Byaij youq laj daengngoenz, yawj ndit ndat ronghsag, muengh va hai hoengzswg, dingq roeg ciuzdedded, gou simva hailangh, ndawsim hix caemh miz lai cungj siengjap: Langh hawj hagseng lai di ndit, lai di danqhaenh, ndaej mbouj ndaej gaijbienq gij daidu gyoengqde ne?

Miz ngoenz ndeu, gou byaij daengz bakdou gyausiz, ndaw gyausiz lumj rongzrwi nei cauz-yubyub, gou heiq hwnjfoedfoed, yut hoz sing sang naeuz: "Vangz Gijcwn!" Ndaw gyausiz sikhaek dingh roengzdaeuj, bouxboux cienq gyaеuj yawj coh de.

Gangj daengz Vangz Gijcwn, bouxvunz coengmingz lingzleih, hoeng gig naj mbaeu, souh mbouj ndaej vунz naeuz, danghnaeuz byawz menhmenh gangj daengz de, mbouj gvaіq mbouj ndaq, de hix naj hoengznyannyan, mbouj geij nanz lij raemxda doekbyoegbyoeg.

Vangz Gijcwn ngaemgyaeuj roengzdaeuj, faj-



naj sikhaek hoengznyannyan, hoengz daengz byai rwz bae, raemxda couh youq gvaengxda de cienq-loekloek. Gou nyaenј sing daemq menhmenh gangj naeuz: "Gyoengq doengzhag, gou heuh mingzcoh de, mbouj dwg aenvih de cauznauh, cix dwg aenvih de naengh dingh hagsib, haxbaenh sou caezgya gangj vah cej riu cej angq, cij miz de boux dog gaem bit yawj saw caj lauxsae." Gou yied gangj sing yied daemq, saenzcingz yiemzsuk. Ndaw gyausiz yied daeuj yied caem, lienз fagcim doek youq gwnznamh cungj dingq ndaejnyi, ciemhciemh dwk, gyoengq doengzhag boux gaen boux menhmenh dawz bit ceij okdaeuj, naengh dwk sohfdw caj gou dingqsij. Diet aeu swnh ndat cauh, lwg aeu gibseiz son. Gou riu dwk naeuz: "Gijcwn dwg buengjyiengh raeuz aeu hag, muengh caezgya ngoenzngoenz lumj seizneix, bibi va hailangh, hagsib cinbu sadsad." Sing

dopfwnгz sawqmwh "dop、dop、dop……" Yied daeuj yied gok, bouxboux naj riu lumj va hai, gou hix caemh riu lo. Daj baezneix hwnj, moix dangz goq Vangz Gijcwn cungj gig nyinhcaen, cozyez daiqdaeuz guh ndei, hagseng wng raen de baenzneix, hix riengzlaeng gaenxhag, gou roxnyinh simsoeng haujlai, cingzcik gyoengqde hix yied daeuj yied ndei.

Seizneix dauqngeix, bingzseiz haujlai seizhouh, vah doxfanj daeuj gangj couh lumj daengngoenz ngamq hwnjdaeuj nei, raeujrub ronghsag, dingq le hawj vунz lumj ndaej rumzcin cidfid. Baezhaenx gou heuh de le, yaek ndaq de hix caeuq bouxwnq gangjdedded, hoeng fwt siengj daengz gij beizheiq de caeuq bouxwnq mbouj doxdoengz, cij laemzseiz gaijbak, byawz liuh daengz guh ndaej ndei.

Bi 2016 dwg gou guhhong ceiq nyaengq lo. Moix baez hong nyaengq mbouj ndaej guenj hagseng baenzlai, gou couh cagaenј bae caeuq hagseng raennaj, gangj mingz yienzaen, daezok iugouz, caiq habdangq anbaiz cozyez. Gyoengqde gag haengj hag, nyienh roengzrengz bae hag. Haggeiz sat, gij cingzcik gaujsi mbouj ca gvaq banh wng.

Seizneix, gou siengj gangj, hagseng dwg aenceh, hawj di ndit couh rox did nyez, boux guh lauxsae ndawsim cang miz aen daengngoenz raeujrub he, dawz ndit ciuq coh gyoengqde, haeujsim bae ganq, cungj miz ngoenz he ndaem baenz benq ndoeng ndeu.

Naznding

□ Luz Cincaiz soucomz cingjleix

Doenghbaez, youq baihbaek Dinghcunh miz benq doenghnaz he, gvangq miz saek haj, roek leix, miz diuz gaeu benj ndeu, diuz gaeu neix gig hung, hung ndaej song duз max youq baihgwnz caez buet. De daj ndaw gamj baihdoeng doenghnaz maj okdaeuj, itcig maj daengz Nizlingj baihsae doenghnaz bae, dawz doenghnaz faen baenz song benq, caemhcaiq lanz gij roen bae doenghnaz.

Bingzseiz, vунz dangdieg goj ndaej daj baihlaj diuz gaeu neix ndonj gvaq, roxnaeuz daj baihgwnz de hamj gvaq. Hoeng, gij vунz baihrog couh mbouj ndaej yienghneix lo, gyoengqde byaij daengz baihnaj diuz gaeu neix, cij ndaej danqheiq ndwi. Aenvih mwngz yaek daj laj de

ndonj gvaqbae, de couh daemq roengzdaeuj laengz; yaek daj baihgwnz hamj gvaqbae, de youh yo hwnjdaeuj lanz. Vihneix, gyoengqvunz cungj heuh de guh "gaeu saenz". Vунz baihrog byaij gvaq dieg neix cungj haemzfwdfwd, hoeng, cungj mbouj gamj bae nyex de.

Ngoenz ndeu, miz boux vунz heuhguh "Cienleixda" ndeu, de gwih duз maxhau ndeu gvaq doenghnaz, deng diuz "gaeu saenz" dangj mbouj ndaej gvaqbae. "Cienleixda" nyapnyuk dangqmaz, de yut ok fagcax hung daiq youq gwnz ndang, raemj diuz "gaeu saenz" baez ndeu. Doeklaeng diuz gaeu neix goenq lo, lae haujlai lwed okdaeuj.

Gij lwed "gaeu saenz" lae le sam hwnz sam ngoenz, lae daengz ndaw naz Mbanj-lungzgvanh couh dingz lo, nyumx namh ndaw naz baenz saekhoengz bae. Ngoenzneix gij namh ndaw naz Mbanjlungzgvanh lij lumj lwed nei ndingnde'nde, ndigah vунz dangdieg couh heuh gij doenghnaz neix guh "Naznding".

(Veiz Sangyungz hoiz)

"Ah Byauh! Mwngz bouxhuk neix! Lij mbouj vaiqdi buetdeuz?"

Gizgyae, cienз daeuj gij sing hemq Ah Gunh gyoengqde, sing haenx liz ndaej gyaе lai, gyajgyaj gymq-gymq, heuh mbouj ndiu gou. Duz saeceijrin gou gwih lumjnaeuz daengx roengzdaeuj mbouj buet lo, yawjyawj daizcaeя lajde, duзngwz hung mbouj-caengz cienq ndang gvaqdaeuj, cij raen de gikgyanggyang, aen ndang de niujnene nod dwk, lumj guh sezswd nei, ndang de yied suk yied dinj, yied suk yied saeq, cungj cingzgingj geizheih neix, hawj gou lau ndaej ca di lumz diemheiq lo!

Bienqbaenz iugvaiq lo! Gou nyinhnaeuz duзngwz hung neix gaenq bienqbaenz iugvaiq lo, youq gyang-

·Sawcuenhraz Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

ngoenz gingqyienз gamj guhfap, suk iq aen ndang, yaek bienqbaenz maz ne? Bienqbaenz duз iugvaiq aj bak haeb vунz? Bienqbaenz boux dahsau gyaеundeі daeuj yaeuh vунz? Gaxgonq dingq vunzhang gangj gvaq gij gojgaeq geizheih, lij mbouj saenq geijlai, seizneix caenda yawjraen duзngwz youh raez youh hung, menhmenh bienq dinj bienq saeq, duз neix mbouj dwg iugvaiq dwg maz?

Song ga gou youh doek roengzbae lo, rinsangj laj saeceijrin gig gvangq, gou hix dieb mbouj onj, caeklaiq song gen got gaenј gyaеuj saeceijrin, cij mbouj deng doek roengzbae. Mbouj-gvaq, deng mbouj deng doek miz maz youqgaenј, duзngwz neix geijlai maenh'ak, de siengj gwn gou caen dwg yungzheih fouzbeij. Cijmiz seizneix dwg youq ndaw fangzhwnz, mboujnex, diuz mingh iq gou aiq yaek

mbouj miz lo.

Ndigah gou aeu najbyak bae dawj gyaеuj saeceijrin, maqmuengh vaiqdi aenvih senz ndaej ndiu gvaqdaeuj, get lai lo! Get ndaej gou song da ok ronghrib, hoeng mbouj ndaej lumj doenghbaez guh loq dwglau fanndang couh rox ndiu gvaqdaeuj, neix mingz-mingz couhdwg caen.

Mbouj dwg fangzhwnzloq, baenzlawz ndaej ndiu gvaqdaeuj ne? Doenghbaez youq ndaw loq bungz daengz maz ndeilau seiz couh gaenjgip maqmuengh ndaej ndiu gvaqdaeuj, baez byaengq da couh ndaej lizhai aen loq dwglau. Seizneix gou dauqfanj siengj youq ndaw loq dwglau, seizneix danghnaeuz youq ndawde geijlai ndei! (caengz sat)